

Pasukan khas pantau ketirisan minyak masak bersubsidi

# KPDNHEP bertindak tegas

Oleh YULPISMAN ASLI  
pengarang@utusan.com.my

■ PUTRAJAYA 20 SEPT.

PASUKAN Khas Bahagian Penguatkuasaan (BPGK) Kementerian Perdagangan Dalam Negeri dan Hal Ehwal Pengguna (KPDNHEP) berjaya menghasilkan sebanyak 43 kes di bawah Akta Kawalan Bekalan 1961 berkaitan isu ketirisan minyak masak bersubsidi.

Ketua Setiausaha KPDNHEP, Datuk Muez Abd. Aziz berkata, melalui tindakan penguatkuasaan yang dijalankan, sebanyak 115 kes membabitkan pelbagai kesalihan melibatkan minyak masak dikesan dengan nilai rampasan RM602,376.50 pada 2018, dan sehingga Ogos lalu, sebanyak 106 kes dengan nilai rampasan RM12,641,929.33.

“Hasil kerjasama yang baik daripada agensi penguatkuasaan lain, sebanyak 44 kes serahan pelbagai agensi luar telah dicatatkan pada 2018 dan 13 kes serahan dicatatkan pada tahun ini.

“Sebagai mencerminkan keseriusan Kementerian dalam menangani ketirisan subsidi ini, 10 syarikat pembungkus minyak masak telah dikenakan tindakan pembekuan kuota kerana disyaki melakukan pelbagai kesalihan serius di bawah Akta



MUEZ ABD. AZIZ

Kawalan Bekalan 1961,” katanya dalam satu kenyataan di sini.

Beliau mengulas laporan eksklusif *Utusan Malaysia* Selasa lalu yang mendedahkan kegiatan penyeludupan minyak masak bersubsidi sehingga menyebabkan kerajaan rugi ratusan juta ringgit setiap tahun.

Menurut Muez, BPGK juga telah membangunkan Pelan Tindakan Membanteras Barang Kawalan Bersubsidi Di Sempadan melibatkan empat negeri iaitu Perak, Kedah, Kelantan dan Perlis sebagai panduan memperkukuhkan penguatkuasaan ke atas barang kawalan bersubsidi di sempadan.

Selain itu, katanya, pemeriksaan menyeluruh ke atas syarikat pembungkusan minyak masak dipertingkatkan bagi memastikan mereka mematuhi semua perundangan dan tidak melanggar mana-mana

● Penyeludup untung RM300,000 sebulan  
● Kerajaan rugi ratusan juta ringgit

## SUBSIDI MINYAK DICURI

**Eksklusif**

“Masalah penyeludupan minyak masak masih berterusan dan serius.”

“Peruntukan RM1600 juta kerajaan untuk kos subsidi dinikmati peniaga haram.”

“Stridilat beli minyak bersubsidi dan dijual semula ke negara jiran.”

“Minyak masak poket dibeli pada harga RM12.50, hasil rampasan RM300,000 sebulan.”

“Ini bermakna mereka akan mendapat untung RM1.50 bagi satu kilogram, bayangan hanya dengan menyeludup 200 tan, mereka boleh meraih untung mencecah RM300,000 sebulan.”

**KERATAN Utusan Malaysia**  
17 September 2019.

perundangan yang dikuatkuasakan.

“BPGK juga telah menyampaikan taklimat kepada pihak industri dengan kerjasama Persatuan-persatuan Kilang Penapis Minyak Masak (PORAM) bagi memberikan kefahaman undang-undang kepada pihak industri bagi mengelakkan mereka melakukan kesalihan,” jelasnya.

Beliau berkata, sehingga Julai lalu, terdapat 290 syarikat pembungkusan minyak masak yang terlibat dalam skim ini dan

jumlah itu berubah dari semasa ke semasa bergantung kepada prestasi syarikat tersebut.

“Syarikat yang tidak melepasi tahap prestasi yang baik akan dinilai semula kedudukan kuotanya.

“KPDNHEP juga mengawal selia pembekalan minyak masak di setiap peringkat rantaian edaran melalui rejim pelesenan barang kawalan. Kaedah ini membolehkan kawalan lebih berkesan ke atas pagedaran minyak masak,” jelasnya lagi.